

## EFTIRLITSSKÝRSLA nr 1

Sérstakt eftirlit sbr. 76. gr. laga nr. 60/2013

Dagsetning eftirlits: 25/6 – 27/6 '19

Nafn fyrirtækis: Landsnet hf.

Framkvæmdasvæði: Kröflulína 3

Tengiliður fyrirtækis: Bjarni Jónsson

UST201910-178/10.05.04

Ábyrgðarmaður eftirlits: Björn Stefánsson

Tilgangur eftirlits: Staðsetning slóða með það fyrir augum að draga úr umhverfisáhrifum og eftirlit með umgengni og frágangi.

Ábendingar: Skoðuð aðkoma að línunni frá Möðrudalsleið. Þarna ætti að fylgja þeirri leið sem merkt er í gögnum, þ.e. stystu leið að línunni en ekki um gamla þjóðveg sem liggur samsíða Möðruvallaleið.

Þarna er ekið um gróðurlausa mela á óhreyfðu landi og mætti frekar kalla þetta akstursleiðir en eiginlegar slóðir. Við Kröflulínu 3 ætti að keyra á óhreyfðu landi og alls ekki láta jarðýtu marka slóð nema á tveimur stöðum þar sem þveraðir eru vatnsfarvegir og laga þar aðkomu að og frá farvegnum og jafna botn sem er nokkuð grófur og ójafn. Þar sem hnellingadreifar eru á yfirborði ætti freka að þræða sig í gegnum þessu svæði án þess að grjóthreinsa slóð og aðeins færa staksteina með gröfu.

Samkvæmt upplýsingu landeiganda eru fleiri aðkomuleiðir frá Möðrudalsleið að línunni og ætti að heimila verktaka að fara þessar leiðir til að minnka akstur eftir línunni.

Við mastur 170 verður skeringu breytt til að minnka halla og fá aukna hæð undir línuna. Tvö ræsi verða sett í læk milli mastra 169 og 168. Þarna er lítill hóll við slóðina og mætti taka þar skeringu sem nýtast mun í fyllingu í læknum. Ekki er sjáanlega þörf fyrir mikið meira efni á þessum hluta línunnar.

Leyfa ætti verktaka að aka beltatækjum milli mastra 167 og 166 þar sem um gróðurlaus svæði er að ræða og samkvæmt upplýsingum landeiganda munu för eftir tækin hverfa mjög fljótt.

Milli mastra 167 og 176 var slóð færð að mestu leyti annars vegar suður fyrir línuna og hins vegar á milli Kröflulínu 2 og Kröflulínu 3 þar sem eldri slóð þveraði ýmist línurnar eða lá undir Kröflulínu 3.

Frávik: Engin.

Niðurstaða eftirlits: Upphaf verks á gróðurlausu svæði þar sem ummerki ættu að verða mjög lítil.

18. október 2019, Björn Stefánsson

  
f.h. Umhverfisstofnunar

Frávik: Framkvæmd telst ekki í samræmi við kröfur sem settar eru fram í náttúruverndarlögum eða mati á umhverfisáhrifum.  
Ábending: Ástand sem eftirlitsmaður telur vert að vekja athygli á sem ekki telst frávik.